



GOVERNMENT OF SAMOA

Our Ref :

Your Ref :

Matagaluega Tina ma Tamaitai Atinae o Nu'u Agafesootai

Vaega Tina ma Tamaitai

RIPOTI O LE A'OGA SU'ISU'I MAFUTAGA TINA EKALESIA EFKS I MOATAA 8 – 12/04/2013

“ IA GALUEAINA LE TOVINE INA IA OLA MA TUPU A'E INI FUA LELEI.”

O upu ia na tomua iai I e saunoaga a le Susuga i le Faafeagaiga, na ia tapunia aloaia le faamoemoe o le Mafutaga Tina ma Tamaitai Moataa o le Ekalesia EFKS. Sa faamalosia lava le faamalosi a le Taitai, ina ia iloa e Tina o Moataa o le Vine lea ua toto e le Matagaluega e ala i o latou Faiva Alilima, ia o latou taumafai e faatupulaia, ma ia fua mai i se taimi oi luma, ina ia manuia ai Nu'u, Aiga ma Ekalesia, aemaise o humanai o fanau o le Afioaga.

FOLASAGA

O lenei faamoemoe na faataunuaina I le Aso 8 Aperila – 12 Aperila 2013 ma na faatautaia e sui o le Matagaluega Tina ma Tamaitai I lalo o le Vaega o Tina ma Tamaitai, sa faatinoina I le Mafutaga Tina ma Tamaitai o le Ekalesia EFKS i Motaa. E tasi lava le tomai na faatinoina, ua na'o le suisui aua ma'ea ona faatinoina le tuiga teu i le tausaga ua mavae.

SINI AUTU.

- Ia aoaoina Tina ma Tamaitai o le Mafutagai I le suisui, ina ia maua se silafia mo le atinaeina o Nu'u, Aiga, Fanau ma Ekalesia.
- Ia unaia Tina ma Tamaitai e le'o faigaluega ina ia iloa suisui ma faatino faiva alofilima.

- Ia siitia le tomiai o tina ina ia o latou gaosia ma faatinoina ni oloa lelei mo le atina'eina o latou tina fai pisinisi laiti.

FAATINOAGA O LE POLOKALAME


O lenei aoaoga sa mafai ona faatinoina e ala i le fesooasoani a le Ofisa o Ausetalia, ma o latou foaina ai vaega nei mo le aoaoga:

- 20 laau suisui e alu i le uila

Ua ma'ea ona faatinoina le Polokalame faalauiloa i le tausaga ua mavae, ma na amata ai foi le aoaoga o le Tuiga teu, peitai na toe talosagaina le aoaoga suisui ina ia faatinoina, lea ua ala ai ona toe faaauuina le aoaoga. E vaiaso atoa le faamoemoe, sa atalia mai i le aso 8 – 12 o Aperila 2013. E 27 sui auai, ma na maitauina le taupati fiafia mai o Tina o le Mafutaga i le vaiaso atoa i le faatinoga o le galuega. E 26 Tina ma Tamaitai o le latou ulua'i taimi lenei i le faatinoga o le aoaoga suisui, ae toa tasi (1) lava le tina ua iloa le faatinoina o vaega amata, ma sa maua le avanoa e toe siitia ai le tomiai i le vaega e lua o le aoaoina i le tomiai suisui.

I le pepa o le Iloiloga amata o galuega faatino, na maitauina ai le 96% sui o lo'o matua'i manaomia le aoaoga i vaega amata pe lei aoaoina lava i se vaega o le suisui, ae 4% o tina na faatinoina mo le vaega faalautele o le tomiai.

PEPA O ILOILOGA AMATA




Sa aoaina lava vaega amata o le faatinoga o :

1. Ofu vae o tamaiti
2. Ofu o teineiti
3. Ofu aoga
4. Lava tagata matutua
5. le faitaga
6. Puletasi/olomuu

O vaega uma nei na mafai ona faatino, ma ua mautinoa ai e le afaigaluega ua iai se tomai i nisi o tina, ma ua siitia ai foi le silafia o le Tina o le Galuega i le faalauteleina o le tomai suisui na iai. I le aotelega o le faatinoga o le galuega, ua maitauina ai le tulaga nei i le Pepa o Iloiloga ina ua uma le aoaoga.

PEPA O ILOILOGA MULIMULI




O le 15% o tina e lei maua se tomai o tina nei e le'i mafai ona latou faatinoina le aoaoga ona o le matua o le soifua, ma nisi sa auai atu lava i se taimi toe tu'umuli ona o le tuatuagia i galuega.

SUI AUAI

	SUAFA	TAUSAGA
1.	Leuga. Isaia	58
2.	Leaia. Taliu	65
3.	Sootulutulu. Palepua	69
4.	Fetinai. Pomaniana	85
5.	Manuia. Poter	63
6.	Vaiolaie. Iosefa	38
7.	Kasa lautele. Pearl Asi	50
8.	Lotolelei. Tuasila	25
9.	Masina. Faavae	34
10.	Filemu. Taito	42
11.	Tele. Falaniko	34
12.	Meto. Alama	40
13.	Faafetai. Leilua	43
14.	Ramona. Taipisia	47
15.	Siunafo. Isara	66
16.	Ualolo. Tiatia	55
17.	Pili. Vaani	40
18.	Vaoiva. Taele	50
19.	Palagi. Faasau	46
20.	Faauga. Mulitalo	70
21.	Palagi. Asi	47
22.	Masa. Faasau	15
23.	Selo. Lale	35
24.	Mafutaga. Palepua	14
25.	Dily. Moa. Tavete	53
26.	Rosana. Ieti. Soloapo	50
27.	Talafaia. Finau	45

TAUSAGA	TINA/TAMA'ITA'I
0 - 17	2
18 - 35	4
36 - 45	5
46 - 65	12
66 - OVER	4
AOFAIGA	27



- Ua maitauina ai, o le maualuga o tina na aoaona, o i latou ua silia atu ma le vaitausaga o tupulaga talavou, ae na maitauina le tu malosi ma faalia lo latou naunautaiga e fia auai pea ma aooga i lenei faamoemoe

ITULELEI O LE POLOKALAME

- O le matutua o tina ae e lei faavaivai ai i le faatinoga o galuega, ma sa aoaona lava.
- O le uluai aoaoga lenei e leai ni laau suisui vili lima, ae sa aoaona tina o le Mafutaga i tomai amata, e faaoga ai laau uila. O lona uiga ua tele le avanoa ua tatala ai lo latou malamalama i le faatinoga o le laau e alu i le uila.
- E toa 2 tamaitai o le Aoga Aso Sa, na auai i le aoaoga, ma ua filifilia ai foi e le Tina o le Galuega, e asiasi ai laua i le suega a le aoga faifeau i vaega o measuisui mo le laugatogi. Ua maitauina le lelei o le taumafai, ma ua mafai lava e i laua ona faatinoina o laua lavalava.

AOTELEGA

Sa faaleoina le agaga faafetai a le Faletua o le Faafeagaiga, susuga ia Ramona. Taipisia i le ofisa o Ausetalia mo le avanoa ua mafai ai o latou talisapaia le talosaga a le Mafutaga, ua mafai ai ona faataunuuna le faamoemoe ua leva ona moe miti iai lana mafutaga.

Sa auai foi le Susuga i le faafeagaiga mo le tapunia aloaia o le polokalame, ma na faaleoina le agaga faafetai o le Mafutaga, ma tatala ai loa le avanoa e silamio iai le mamalu o le auvalaaulia, i faiva alofilima o Tina na mafai ona faatinoina i le vaiaso atoa.

Ua fa'amauina foi le toe talosagaina ole auaunaga ale Matagaluega mo le lumanai ina ia faamausali ai pea le lelei o lefaatinoina o le aoaoga. Ua faamauina foi, le filifilia ai e le mafutaga Aso Lulu taitasi o vaiaso uma, e avea ma aso suisui o le Mafutaga, e fa'afeso'a'i ai silafia ma iloa o tina i lea vaega ua fia maua.

Ua faamauina fo'i le aoina ai o le \$200.00 o le resitara i le polokalame sa faatinoina.